

汶志紀略

卷三

山右見菴李錫書纂述



門人 尚崇山 孟維世 仝校

選舉

薛氏曰余按古今論西蜀人文之盛者必曰岷峨毓秀江漢炳靈汶山鎮岷臨江宜靈秀煥發代不乏人乃間生若此何哉或者謂山行南馳江流奔下發源之區精淑靡聚金氣剛烈水土迫促故其人勇悍輕狡取於目前而忘遠慮於妻御藻乏渾

汶志紀略

卷三

選舉

深堅厚之誠雖有美質奇器罔克培植以底於成則亦山川之故也噫周秦同地而修短殊焉跖李同氣而善惡異焉性近習遠亦在乎人焉耳若以地近荒服靈秀不鍾則所謂舜文夷產大禹羗生者非耶余考山川之說有聚有散汶川山水之聚處也自北來七百里一鎖於漩口再鎖於青營至灌口而散焉其為氣也厚矣先世科名尚一間出近何寥寥竟者畜而必發將遲之又久而後有以大發其復耶為選舉志

甲科

元友諒唐元和年進士

乙科

董策明萬歷乙卯舉人任河南鞏縣知縣

楊開運順治甲午舉人任福建福安縣知縣

郭安世康熙己酉舉人任湖北黔陽縣知縣

郭經世康熙辛酉舉人

馬士驥康熙癸酉舉人任陝西河州知州

楊珏康熙戊子舉人

汶志紀略

卷三 選舉

二

劉之炳乾隆丙辰舉人任涪州學正

高溥康熙甲午舉人任南溪縣教諭

孟侯康熙丁酉舉人

董朝紀乾隆辛卯經魁

郭璜雍正癸卯舉人

高炯乾隆丙辰舉人

孟其才乾隆庚寅舉人

周化南乾隆甲寅舉人

武乙科

湯德一明 舉人

李 瑜康熙甲午舉人

楊 瑛康熙丁酉舉人

劉 瑛康熙庚子舉人

黃 甲雍正丙午舉人

高澤衍雍正乙卯舉人任達州千總

王德溥乾隆丙午舉人

馬大驤乾隆己酉舉人

曾應昌乾隆甲寅舉人任漕河千總

汝志紀略 卷三 選舉 三

選拔

孟 琦明拔貢任湖北永明縣知縣

孟紹孔明拔貢歷陞雲南曲靖道

高應宿明拔貢任湖北善化縣知縣

高仕祥明拔貢任湖廣藍山縣尉

王學文雍正七年拔貢任安縣教諭

羅大緯乾隆五年拔貢

明經

孟時正任河南西平縣知縣

董嘉猷任河南昌平縣知縣

孟時寅任山東知縣

董繼志任江西撫州府通判

郭干城任梁山縣教諭

董琪任湖北襄陽縣丞

高仲選任大足縣教諭

蹇宏譽任江南華亭縣丞

郭鼎任納谿縣教諭

孟光斗任隆昌縣教諭

汶志紀略

卷三選舉

郭景儀任成都府教授

曹繁祚任蓬州訓導

孟纘孔

郭應舉

孟緝孔

賈文龍

高符升任蓬溪縣訓導

馬騰霄

高步衢

郭大忠

蹇升

郭琅任富順縣訓導

孟光偁

郭萬里

馬士珣

郭鳳翊

張應昌

郭晴皇

汶志紀略

卷三

選舉

五

余宗裔

郭維皇

董如瑗

郭翊皇

高扶翼

胡珽

賈士俊

高璽

陳章

董上

孟 駿任雅州府訓導

高聯元

郭翊世

高雙元任南江縣訓導

胡 鈺

孟 閻

胡大椿

孟 訥

汶志紀略

卷三

選舉

孟申生任安岳縣訓導

高 灝任資陽縣訓導

董林芳任大寧縣訓導

高一桂

馬于班

董 誨

董士彥

董洪經

董士哲

楊一揆

羅大清

高模

董敏學

湯澗

董諧

湯法

馬于璉任永川縣教諭

邰廷模任新寧縣訓導

汶志紀略

卷三

選舉

七

郭文珩任通江縣訓導

方國璠

馬學乾任合江縣訓導

孟其業

高從孔

孟其敏

王式賢

董步瀛

陳先達

連士鏐

賈德申

郭錡

漢志紀略

卷二 選舉

八

孝義

歷代正史皆立節義傳或稱節孝或稱忠義婦人
女子別為一傳曰列女此而合之以志一朝之事
近來為邑乘者多倣此意不以地之徧小而忽諸
汶邑邊徼前代事多不傳獻賊之亂有蹈白刃捐
家室而不顧者豈匹夫匹婦之為諒耶他若為善
於鄉古稱獨行因為人無幾編為一帙以存其概
郭干城邑貢生少孤事母孝縣令婁君贈以匾曰純
孝可風官梁山縣教諭自少至老不言人過

汶志紀略

卷三

孝義

九

高仲選邑貢生官大足縣教諭既歸里甲申之難聞
賊犯闕率子德馨及妻女七人投水死

孟時正邑貢生知河南西平縣建學課士愛民如子
歸里賑貧好義人咸欽服

朱讓棟號几山明宗室也襲封奉國將軍篤孝友常
捐資內外婚喪以居讓族人之貧者中年喪妻不復
娶

李氏汶川人明中丞燦嫡配封恭人年二十三燦沒
事舅姑孝撫子成立守節六十五載祀節孝祠

高韓氏無考從祀節孝祠

高牟氏鄆縣明經牟思槐之女年二十二適邑生高淳五載而寡守志養姑舅以孝聞撫姪如已出宗祧賴以不墜

苟羅氏邑之處女也年十五無賴子欲玷之力拒得免自縊而死奉文旌表

桑朗麥氏瓦寺宣慰司榮宗之母也夫容忠卒子榮宗幼氏撫之成立一應軍民差役諸事務經理得宜篤志守貞滿三十年將事者以上聞題名旌表崇祀

文志紀略

卷三

孝義

十

節孝祠

余既纂邑志而邑生高萬崑之母蘓氏奉姑訓子守節垂三十年未滿而卒前令以未合例故未題表聊志於後

風土

天下之大鄉邑之小方輿既限風俗異焉土宜分焉天氣之寒暄地力之厚薄人情之醇澆物類之美惡皆不相同故曰千里不同風百里不同俗禹貢載田賦之上下周禮稱男女之多寡毛詩紀國風之貞淫皆所以導人情而出治化本地勢以施政刑也汶邑山高風猛地瘠民貧而置邑最久歷來不廢者豈非以地分邊腹人雜華夷風土之陋往往為人稽笑而其實事簡民醇風氣近古可以

汶志紀略

卷三

風土

十一

合番夷為一家聯中外為一體者乎人分羌漢里分上下羌漢之俗迥不相同即上下里人情地脉亦有小異語曰庶而富教汶地無土無以聚人焉能庶無以生財焉能富惟在司牧者生養安全無驚擾我民焉耳於是採舊說之載者紀之為風土志

華陽國志曰土地磽瘠人士俊又

通志云石田山地俗尚勤儉伊唔之聲徹於四境
繩州舊志云漢服詩書羌遵王化

舊說地瘠民貧風淳訟息其人誠樸其俗儉士頗知自愛又云人好弓馬勇悍相高又云婚喪之禮饒有古風冠婚用鼓吹葬必深塋厚穴無淹殯祭祀誠信人尚鬼此漢俗也

羗人病不服藥以禱為事歿用火化檢骨掩之嘗於二八月朔日烹羊煮酒祀山神為社男女合食即報賽之意所居疊石為礫婦女織毛為衣服此羗俗也邑人董生曰縣自沙坪關以上多風常患旱自映秀灣以下多雨常患澇舊治以上土性橫田可灌溉近汶志紀略

卷三 風土

六

城上下土性直不可溉興文坪以下土性潮潤不須灌溉大江以東溪水多白色浣衣鮮潔其人皆白江以西水色多黑其人黎黝地氣然也

按汶邑地勢南北亘二百里東西深山大澤亦總得三四百里然較其居民只六七百戶耳民皆世業俗尚重遷游蕩之徒不入其境天無時不風地無處宅土團沙為田壘石作室冬春積雪早晚生雲靈霧彌淪烟嵐橫罩雷生屋角雨起山腰怒浪奔濤颺沙飛石風土之猛無異沙漠地不產穀桑不繭蠶織毛為

衣和酪作食五月着皮三時下壩艱於食力習在勤
勞瘠土之民良善理或然也其地羗漢並處其土羗
漢雜耕然各安其業耦居無嫌羗民附山而居耕田
鑿井勤勞艱辛之狀苦不可言而歲時伏臘酬酢往
來擊鼓迎神烹羊送臘差徭征賦勉力趨公衣食語
言自為風氣漢民風俗無異郡城惟是人敦古處俗
尚醇良而已羗民之情最嗜小利略加煦育則歡欣
鼓舞親上之意出自天真男耕女績夫唱婦隨嘻嘻
嗚嗚陶然樂也無懷葛天之民又何異焉

附物產

余為邑志而鳥獸草木之類不可得而知也邑人董敏德家世業儒又能徧觀盡識有物產一卷為採其尤雅者載之

穀

麥有數種秋種夏收曰宿麥粒小者曰米麥穗短而毛者曰草麥長而多穎者曰青稞油麥莪麥也爾雅薺雀麥註即燕麥也芋麥川中皆呼包穀北方曰玉茭

汶志紀略

卷三

附物產

齒

菽蕎也甜苦二種春冬兩熟

黍一曰糜

梁膏梁也

豆菽也有數種曰黃豆胡豆豌豆爬山豆菜豆黑豆粟谷穀也惟縣屬有爾雅注江東人呼粟為粢稻谷稻也縣境最少

麻有數種曰蘓麻胡麻菜麻芝麻

蔬

圓根芋也產山上移栽平地即成蔓菁蜀都賦曰蹲

鴟所伏

瓢兒菜一名厚皮菜

羅漢韭韭屬

鷺頭薺薺屬

鹿耳葱葱類

齊頭蒿一名魚尾蒿

長馨菜苦菜也爾雅註誰謂荼苦苦菜可食

山蕨青白二種根可作粉

山菌川中呼為菌北方呼為蘑菇

汶志紀略

卷三 附物產

五

西瓜小而多子

花菓

桂黃白二色

梅遍生山嶺

蘭有二種一莖一花冬開者無香一莖數花春開者最香或曰蕙也

荼蘼黃白二色或曰七葉芸香

牡丹紅白二色白者佳

夜合合歡也

杜鵑花即羊躑躅或曰艷山紅也

茂林春株如楠花紅紫色極艷

石榴最大味甘

梨極爽

桃有大者味甘

木瓜味極酸

竹木

檉

榆

汶志紀略

卷三附物產

六

青桐榘杻也山海經榘桐木音秋

花樟

香杉爾雅釋木作粘

紅豆木色赤極細又有合歡木交讓木交讓兩樹對

生一榮一枯蜀都賦曰交讓所植

白菓木色白極細又有鶯掌木羅漢木

楠有數種香楠最少

枇杷木十二年而一實狀如小棗無核而味酢

竹有數種斑竹龍竹白莢竹苦竹慈竹紫竹又有筋

竹油竹各名

貨物

茶茅田最佳又野產白茶樹極大

蜜之底為黃蠟陸佃云蜂之化蜜必取區豬之水注
之蠟房而後成蜜故謂之蠟者蜜之蹠也蘓軾詩蜜
蜂採花作黃蠟黃蠟為花亦其物

醵蕎灰燒成

漆

桐炭

汶志紀略

卷三 附物產

七

煤炭

白土又有緇土

花藥石珉石也山海經山下多白珉

藥材

茯苓

百合

羗汗

貝母

蜘蛛香

五加皮

大母花冬虫夏草皆生雪山近茂州馬廠

鳥

鷓鴣司晨鳥也

鷓鴣鷓也喙長可啄魚故不濡味爾雅一名鷓鷃
鷓鴣嬰母也

竹鷄泥滑滑也博物志白蟻聞聲化為水

雪鷄山鷄也青黑色可十餘觔雙目向前性絕癡山

海經曰鵙渠黑身赤足雉類縣境雉種甚多有錦鷄

汶志紀略

卷三 附物產

六

白鷓諸名號山海經岷山鳥多白翰赤鷺一名鷓雉
又曰白雉

杜鷓杜宇也聲曰子規口鮮紅如血

鷓鷃點水雀也一名鷓渠爾雅註飛則鳴行則搖

鷓鷃鷓鷃也郭璞謂為鷓斯或云鷓脂即桑扈也

鷓鷃葦戛鷓鷃也又曰懊惱澤家狀似鷓而翅長有

翠毛將雨則旋飛其名自呼也土人呼為鐵翎爵山

海經云赤身白首名曰鷓脂郭璞注為小青雀

行不得也哥哥鷓屬其名自呼也雌雄相應而成聲

本草集解云鷓鴣啼聲非是其形狀不類

點燈捉蛸蟪狀如鳩而足高黑色夜鳴不歇其名自號也

黃鴉紺色有花翎能言俗呼沙和尚

青銅鷄黑首白喙雌雄相應也

桃花爵綠身花翅赤喙紺趾二月來食桃花獸

野牛夔牛也山海經岷山多夔牛又有牝牛肉可干

文志紀略

卷三 附物產

九

山驢羶羊也狀如羊而馬尾大如驢

小羊羶羊也山海經岷山多夔牛羶羊羶羊兒

山豕野猪也耳立牙橫出又有黃毛猪味最脆

果子狸狸也最肥脆食白菓所致又有九節狸毛最溫厚

彙豕毫猪也山海經狀如豚而白毛大如箕而黑端名曰毫彘注狙猪也吳楚呼為鸞猪

熊有數種有馬熊猪熊狗熊又有白熊白團花毛性最痴

猴有數種黃猴青猴皆果食惟細臂長股長毛金色赤面曰狨即獠也俗名金線猴他猴見之不能走擇其肥者啖之山海經岷山多熊羆猿雉注雉似獼猴鼻露上向尾四五尺頭有岐蒼黃色雨則自懸樹以尾塞鼻也

蟲

羗活魚生羗活叢中

百節虫

涎涕虫可制蜈蚣

汶志紀略

卷三

附物產

二十

老木虫蝓蟻也爾雅疏方言云關東謂之蝓蟻梁益之間謂之蝓其在木中者白而長故詩人以比婦人之頸詩衛風領如蝓蟻

鱗

重脣細鱗也或曰嘉魚

虎魚無鱗大首圓身巨口或曰山海經所稱鰲魚者是未審

石匾頭

黃蠟丁有毒

山川

汶川之山為蜀山之首其川則江源也山之麓水之湄鳥道蠶叢設立城縣蓋以山川為城池者也其山岷山其瀆汶江其浸則有若龍池者是昔人有考其源委者云禹貢岷山導江史記作汶山漢地理志岷山在湔氐道西徼外江水所出郭璞曰岷山在廣陽縣華陽國志汶山在汶山郡左封縣又汶山在汶山郡左封縣又汶山在臨洮郡臨洮縣括地志岷山在溢樂縣連綿至蜀幾二千里皆

汶志紀略

卷三 山川

三

名岷山寰宇記羊膊山在平康縣輿地廣記岷山在汶山縣西北俗名鐵豹嶺方輿勝覽禹貢梁州之山四岷嶓蔡蒙西山皆岷北山皆嶓南山皆蒙也輿城記有大分水嶺在衛西北二百二十里有二派一東南流為大江一西南流為大渡河或曰即羊膊嶺也一統志在茂州列鷲村去州四十里其高六十里山有九峯四時積雪經暑不消每晨光射之爛若紅玉去成都五百里西望之若在戶牖居人呼為九頂山杜子美詩所咏西山是也元

和郡國志岷山郡汶山南去青城山百里天色晴
明望見成都山頂積雪嘗深百尺夏月融消江為
之溢即隴之南首也史註云在隴西郡岷州溢洛
南一里連岷至蜀二千里皆為岷山連峰疊岫重
接險阻不詳遠近青城天彭諸山之所環繞其為
羊膊山為鐵豹嶺為瀆山為鴻濛為汶嶺皆是也
江自湔氐道西徼外流入松潘北又東南經疊溪
茂州過保子關索橋外東合沱水入汶川縣益州
記大江泉流始發羊膊嶺下緣崖散漫小大百數

汶志紀略

卷三 山川

三

殆未濫觴東南下百餘里至白馬嶺回行二二餘
里至龍洞又八十里至蠶陵縣又南六十里至石
鏡又六十餘里而至北部元和志有江源鎮在汶
川縣西北三十里江源記云江發源於陝西臨洮
之木塔山水自山頂分東西流東流者即岷江也
由草地甘松嶺八百里至漳臘由磨刀灣達於松
潘至下水關入紅花屯經疊溪至穆肅堡黑水從
南合之入深溝經茂州至汶川轉嶺合草坡河出
蠶崖關至灌口分道而下在威玉壘山為玉輪江

在汶川為皂江在灌口過新繁入成都為外江自灌為錦江由溫江東流入府為皂江自落口分流經漢州新都入簡州資陽為中江省志一名湔水湔水每觔較沱水輕二兩湔水即次玉水也按江源出於黃河之西巴顏哈拉嶺七七勒哈納番名岷捏撮漢書所謂岷山在西徼外江水所出是也古人謂江源與河源相近又有江河一源之語汶江其出山處也因備載其源流為山川志

岷山董生曰岷有東西二山大江在其中江以內東

汶志紀略

卷三山川

三

岷也延袤九百餘里上有九峯終年積雪人跡罕到自西夷鼻浪架嶺綿亘千餘里入川為松之雪蘭茂之鐵豹汶之玉壘灌之雪岩彭之丹景什之瑩華綿之武都九龍安之天臺石泉之石鼓隨地異名總名之曰岷山江以外西岷也出皂以西象山延蔓諸番千里未極其入內地者青城峩眉蔡蒙臨邛瓦山總名曰岷山禹貢稱岷山之陽至於衡山山以南為陽即西岷也西岷南下出峽結為衡山以北為陰東岷之脉歷過九江至於敷淺源而止按山海經中次九

經岷山之首曰女兒之山又東北三百里曰岷山江水出焉又東北一百四十里曰崷山江水出焉東流注大江又東一百五十里曰岨山江水出焉東流注於大江考其形勢脉絡與鳥獸草木之名良不誣也雪龍嶺在舊治北即西岷之頂也人跡罕到與九峯相對而高過之

雁門山在舊治北二十里隋志有雁門山即此山也玉壘山舊治城里許縣徙為威州主山奇石千尺翠蒼可挹鐫玉壘山三大字甚奇古或曰宋淳熙時書

汶志紀略

卷三 山川

五

也華陽國志蜀山氏王蜀以褒斜為前門以熊耳靈關為後戶以峩眉玉壘為池澤或謂在灌縣西二十五里今灌西山巔有玉壘峰有玉壘墩灌城有玉壘關成都有玉壘坊又有玉壘堂皆非

岷峽在舊治南三里有奇峰屹立刻字於上七盤山在縣北三十里有七盤路險要非常塗禹山俗呼為同靈山土司住宅在江外或云山上舊有瓦寺故名曰瓦寺也

道角山在治北關內馬道人修真處有洞曰道角洞

白土坎元陽洞在治北江外半山相傳為馬真人得道處

須彌山一名壽山在縣治二里外蘓村山上有燈如火毬見之者貴歲有科名則聖燈現

掛榜山在縣治學宮之右如掛榜然

河屏山在城西江外五里許山腰大坪諸峰羅列

襄陽山在縣東隨志北川縣有襄陽山

飛沙嶺一名鳳嶺在縣治南十里絕高小道盤旋路為沙壅下臨深淵時時大風吹沙上飛或曰山下池

汶志紀略

卷三山川

五

水一浚為楊貴妃少時浴澡處也

羊後山縣南十里頂上有平地名剗兒坪

馬鬣山在縣河西新疆路

龍泉山在縣南四十里下有龍泉祈禱有應一名駿馬泉若牧馬山側多產駿駒

白雲山在興文坪舊有白雲古剎今廢

巨人山在治南

娘子嶺在治南一百里一名銀嶺山嶺高絕越三十里夏秋多雨春冬積雪望若銀臺

白岩岡在縣南一百二十里高十里

濕坂山在縣南水經注云自汶山故郡西南一百八十里至濕坂元和志云在縣南一百三十里嶺上樹木森鬱常有水滴元一統志作濕凍嶺在今之趙二壩大江之出岷山處也

天彭山一名汶山在灌縣北三十里漩口對面汶江出口處東西二山如峽壁立千仞李冰謂為天彭門李膺名為天彭關

岷江一名汶江大江之總名也山海經云大江出汶汶志紀略

卷三 山川

三

山北江出曼山南江出高山高山在成都西董生曰岷江之源古稱濫觴東源弓橫嶺與漢水分流者第一源與嘉陵江分流者為二源與潼川分流者為三源西源自人墮出皂溝與瀘河分者為一源與雅河分者為二源與邛河分者為三源由茂州會東路之水至保縣會西河之水入汶為玉輪江會草坡漁溪之水是江之東源有四西源有五東源水白色質微重西源水黑色質微輕今簡州產鹽白色東源之水也嘉定產鹽青黑色西源之水也

玉輪江出玉壘山後經次玉村流入保關城內經玉壘脚下出北門入大江

湔水出玉壘山中經新保關東流入江

桃川在縣治南三十里山溪也水自溝中出兩山桃樹盛開在桃關溝

尤溪水在溝內四十里自龍池流出地名大寺坪形如偃月濶三十餘畝九嶺環抱九澗歸池左右漩作如意形三抄三疊而下中有二白龍長可二尺池上有鴛鴦一雙敗葉入池即啣出每遇旱禱請水一瓶

汶志紀略

卷三 山川

七

池中起泡出霧一縷須臾膚寸而合澍雨隨注其水自溝中出經尤溪出楠木園入大江

龍洞在治南一百三十里為龍池之水入深澗中石壁對峙道斷懸石板為棧窳不容車壁書龍洞二字又書關塞極天水至此分一半入洞裏不知所之或云至楠木園山脚下流入大江也

按汶川山川之勝岷山大江而已其他支分派別皆會歸焉間有撫拾傳聞敷衍俗說因地命名稽之古昔蓋不多見寰宇記曰七盤山在汶川縣北九里上

有七盤坡唐大歷十四年吐蕃入寇分道出茂州又扶文官軍敗之於白壩又追之於七盤山此七盤山之名所見也但考七盤山在汶舊治之南十里今云在北九里誤也水經注曰江水又逕汶江導汶出徼外岷山西玉輪坂下西南行又東逕其縣而東注於大江水經又云江水歷氏道縣北有湔水入焉註曰水出綿道又曰綿虎縣之玉壘山呂忱云一曰半浣水也蓋玉壘山出湔水即所謂玉輪江者也寰宇記曰玉壘山在縣南三里又有玉輪坂汶水所經謂之

汶志紀略

卷三 山川

天

玉輪江山出壁玉即郭景純所謂玉壘作東北之標者今按縣南三里蓋云舊治也方輿勝覽云七盤山去汶川縣九里志云即玉壘關也唐賈島送元岩上人歸西蜀詩云玉壘山中寺幽深勝慨多藥成彭祖搗頂受七輪摩去臘催今夏流光等逝波會當依糞掃五嶽徧頭陀按以七盤為玉壘關誤也任豫益州記曰江水自白馬嶺回行二十餘里至龍洞又八十里至蠶陵縣又南行六十里至石境又六十餘里而至北部始百許步又西北二十餘里至汶川故郡乃

廣二百餘步又西南百八十里至濕坂江稍大矣故其精則井絡纏曜江漢炳靈白流深遠盛為四瀆之首元和志曰濕坂在汶川縣南一百三十七里嶺樹森沉嘗有水滴未嘗暫燥故曰濕坂此則濕坂為汶之最著者也又蜀水經云江水東受草坡河源出天赦山東受龍潭東經加渴瓦寺司受沙派水又東經濕坂入江按草坡河出天赦山至大邑坪口出桃關即入大江而水經所稱至濕坂入江者其水自卧龍關東下抵三江口出漩口經濕坂與大江合水經所

汶志紀略

卷三 山川

元

稱誤也又勝覽云龍洞在牛溪鎮入洞數步向南石壁有穴可通無路可陟掌洞道人附巨竹一枝於穴內令遊人攀竹而上可達龍池按掌洞之說荒唐失實而龍溪之名誤作尤溪又以尤溪誤作牛溪云其他若須彌掛榜諸名號蓋不得而考云

按汶川山川自茂州來至青坡入縣境經雁門山有溝曰雁門溝深林巨木深不可測近處尚有人居或云通灌之白沙溝云雁門南下十餘里曰次玉有溝玉輪江所出又十里曰七盤有溝曰七盤溝古木參

天奇鳥怪獸往來其中曾有人作木廠然路險山深難於搬運亦廢入溝行二十五里地名雪花坪前時曾有居民今僅存其基再行三十五里有池俗亦呼為龍池然非白龍池也自七盤行十里曰板橋溝有居民中設木廠商人以巨木浮江中亂流而下名曰放漂至娘子嶺脚下乃編筏運成也又南下二十里至縣治之北關外有溝曰大溪中無居民深不可測危崖斷壁墜石荒榛難於攀躋傳言昔有採藥人裹糧行數日不知所之忽見一大地界廟宇宏敞出

汶志紀略

卷三 山川

三

以語人再覓不得見或曰蓋仙境也其地可通龍溪之龍池云至縣以南十里曰安家溝又十里曰鸚鵡嘴有溝皆淺近有居民再十里桃關有溝曰桃關溝即所稱桃川者也深遠寬濶差平易有居民路可以通尤溪之龍池及灌之白沙云又五里曰佛堂壩溝深而平易居民較多有田土可種植過徹底關又五里有村落俗稱羅圈灣即沙坪關也其溝通白龍池路差平再南下行十五里至太平驛溝最深有居民可以通茂之馬廠及佛堂壩溝明末獻賊陷成都將

於松茂等州兵至徹底地險守禦嚴不得過乃以
平溝進繞出佛堂壩已越徹底由是乃得至茂後從
石泉一路歸又南行四十五里過娘子嶺即古龍溪
溝溝最寬又最深可以上至茂東達彭境居民繁庶
田土寬廣讀書治生產此地為最又產茶戶有茶園
以為生計其水自北來過尤溪鎮經龍洞出山口與
大江合而大江先從娘子嶺脚下循山而南經濕坂
過茅田折而東至楠木園尤溪之水入焉此二百里
皆稱岷山深溪大壑圍數百里其中門戶無不相通

汶志紀略

卷三

山川

三

惟是巨木深林重巖絕壁行步艱難絕少人跡其中
所有不過藥物及飛走而已然每溝壑中皆有水流
出以匯於大江云語曰古山川邱壑無溝稱論語盡
力溝洫周禮十夫有溝後世河渠溝洫諸志皆田間
水道山有溝方言也兩山夾水曰澗一山以斷曰壑
按汶川山川江以內汶治也江以外舊治之西為雜
谷山川新治以西過索橋則瓦寺土司地自桃關出
口行六十里名草坡左右皆深山老林山頂積雪不
消樹木蔭翳陰不見日中通一澗行三十里有塘汎

名樹林口道愈狹愈險上下各十五里曰天成山或呼為青城山其實則天赦山也山出泉流水成河出草坡名草坡河逕入大江山路積雪成冰春秋冬三時不消路盤曲蜿蜒不得上緣附而行既過山下十五里有驛站名黃草坪路漸平山漸濶行三十里至跟達橋水自巴郎山來繞老凹山足抵二道橋出中灘浦在娘子嶺背與大江合既渡跟達橋山行更陡曰老鴉山外即卧龍關矣過關行九十里有大山曰巴郎即斑斕山自足至嶺蓋七八十里藥氣迷人三汶志紀略

卷三 山川

三

步一喘五步一息竟日而行不過三十里至大石包行山頂不過數里即沃日界水之在卧龍關者一出牛頭山一出圍塘一出鹿耳坪東行至三江口合焉東出水磨溝即灌縣地抵漩口對濕坂匯大江也山水之屬在瓦寺境者其略如此